

佛說五無反復經

無

宋居士沮渠京聲譯

聞如是一時佛在舍衛國與千二百五十比丘俱時有一梵志從羅閱祇國來聞舍衛國人慈孝順去經修道教事三尊便到舍衛國見父子二人耕地毒地螫殺其子其父故耕不看其子亦不啼哭梵志問曰此是誰兒耕者答言是我之子梵志問曰是卿之子何不啼哭故耕如故其人答曰人生有死物成有敗善者有報惡者有對憂愁不樂啼哭懊惱何益死者卿今入城吾家其處願過語之吾子已死但持一人食來梵志自念此是何人而無反復子死在地情不憂愁而反索食此人無慈無有是比梵志入城詣耕者家見死兒母即便說云卿子已死其父寄信但持一人食來何以不念子耶兒母即為梵志說譬喻言兒來託生我亦不喚兒今自去非我能留譬如行客來過主人客今自去何能得

五無反復經 第三張 無

留我之母子亦復如是去住進止非我之力隨其本行不能得留愁憂啼哭何益死者復語其姊卿弟已死何不啼哭姊為梵志說譬喻言我之兄弟譬如巧師入山斫木縛作大枳安置水中卒遇大風吹枳散失隨水流去前後分張不相顧望我弟亦今因緣和會同一家生隨命長短生死無常合會有離我弟命盡隨其本行不能得留愁憂啼哭何益死者復語其婦卿夫已死何不啼哭婦為梵志說譬喻言我之夫婦譬如飛鳥暮栖高樹同共止宿須臾之間及明早起各自飛去行求飲食有緣則合無緣則離我之夫婦亦復如是去住進止非我之力隨其本行不能得留愁憂啼哭何益死者復語其奴大家已死何不啼哭奴為梵志說譬喻言我之大冢因緣和會我如犢子隨逐大牛人叔大牛犢子在邊不能救護大牛之命憂愁不樂啼哭懊惱何益死者梵志聞之心感目冥不識東西我聞此國孝順奉事恭敬三尊故從遠來欲

五無反復經 第四張 無

得學問既來到此了無所益又問行人在祇桓精舍梵志即到佛所誓首作禮却住一面憂愁低頭默無言說佛知其意謂梵志曰何以低頭憂愁不樂梵志白佛言不果所願違我本心是故不樂佛問梵志有何所失憂愁不樂梵志曰我從羅閱祇國來欲得學問既來到此見五無反復佛言何等五無反復梵志曰我見父子二人耕地下種子死在地情不憂愁而反索食居家大小亦無憂愁是為大逆佛言不然不如卿語此之五人最有反復知身無常財非已有往古聖人不免斯患況於凡夫大啼小哭何益死者世間俗人無數劫來承轉生死遷神不滅死而復生如車輪轉無有休息皆死向生非憂愁所速梵志聞之心開意解更無憂感我聞佛說如病得愈如盲得視如闇遇明於是梵志即得道跡一切死亡不足啼哭欲為亡者請佛及僧燒香供養讀誦經典能日日作禮復至

五無反復經 第四張

心供養三寶最是要於梵志替
首作禮受教而去

佛說五無反復經

甲辰歲高麗國大藏都監奉
勅彫造

佛說五無反復經

校勘記

一 底本，麗藏本。此經與諸校本大異，難以對校。今以清藏所錄此經的兩種本子作別本附後。第一種校以資、磧、普、南、徑。第二種資、普不錄，故只校磧、南、徑。